



ঐশ্বরিক কৃপা

অস্বাভাবিক কৃপার প্রত্যাশা করুন। লোকেরা যা আপনার প্রতি
ঘটায় প্রত্যাশা করে, ঈশ্বর তার ঠিক বিপরীত কাজ করবেন।

আশিস রাইচুর

শুধুমাত্র বিনামূল্যে বিতরণের জন্য

অল পিপালস্ চার্চ অ্যান্ড ওয়ার্ল্ড আউটরিচ, বেঙ্গালুরু, ভারতবর্ষ দ্বারা মুদ্রিত ও বণ্ডিত।
বর্তমান সংস্করণ: 2023

যোগাযোগ করার জন্য ঠিকানা

All Peoples Church & World Outreach,
319, 2nd Floor, 7th Main, HRBR Layout,
2nd Block, Kalyan Nagar, Bangalore 560 043
Karnataka, INDIA

ফোন নম্বর: +91-80-25452617

ই-মেইল: bookrequest@apcwo.org

ওয়েবসাইট: apcwo.org

অন্যথায় নির্দেশিত না হলে, সমস্ত শাস্ত্রের উদ্ধৃতি বাংলা পুরাতন সংস্করণ, (BSI) বাইবেল থেকে নেওয়া হয়েছে। বাইবেল সোসাইটি অফ ইন্ডিয়া দ্বারা কপিরাইট © 2016। অনুমতি দ্বারা ব্যবহৃত। সমস্ত অধিকার সংরক্ষিত।

অর্থনৈতিক অংশীদারিত্ব

অল পিপালস চার্চের সদস্য, অংশীদার এবং বন্ধুদের আর্থিক সহায়তার মাধ্যমে এই প্রকাশনার বিনামূল্যে বিতরণ সম্ভব হয়েছে। আপনি যদি এই বিনামূল্যের প্রকাশনার মাধ্যমে সমৃদ্ধ হয়ে থাকেন, তাহলে আমরা আপনাকে অল পিপালস চার্চ থেকে বিনামূল্যে প্রকাশনা মুদ্রণ এবং বিতরণে সহায়তা করার জন্য আর্থিকভাবে অবদান রাখার জন্য আমন্ত্রণ জানাচ্ছি। আপনি যদি জানতে চান যে কীভাবে আপনি এই অবদান করতে পারেন, তাহলে অনুগ্রহ করে apcwo.org/give ওয়েবসাইটে যান অথবা এই পুস্তকের পিছনে “অল পিপালস চার্চ-এর সাথে অংশীদারিত্ব করুন” পৃষ্ঠাটি দেখুন। ধন্যবাদ!

বিনামূল্যের সম্পদ এবং সম্পর্কিত ওয়েবসাইটগুলি

প্রচার: apcwo.org/sermons | পুস্তক: apcwo.org/books | চার্চ অ্যাপ: apcwo.org/app
বাইবেল কলেজ: apcbiblecollege.org | ই-লার্নিং: apcbiblecollege.org/elearn
পরামর্শ দান: chrysalislife.org | সঙ্গীত: apcmusic.org
পরিচর্যাকারীদের সহায়তা: pamfi.org | APC ওয়ার্ল্ড মিশনস্: apcworldmissions.org

(Bengali -Divine Favor)

ঐশ্বরিক কৃপা

অসম্ভাবিক কৃপার প্রত্যাশা করুন। লোকেরা যা আপনার প্রতি
ঘটায় প্রত্যাশা করে, ঈশ্বর তার ঠিক বিপরীত কাজ করবেন।

সূচীপত্র

1. ঐশ্বরিক কৃপা কী? 1
2. আমাদের উপর ঈশ্বরের কৃপা অবস্থিতি করার পরিণতি কী? 8
3. কী কী কারণে ঈশ্বরের কৃপা আমাদের উপর অবস্থিতি করে? 10
4. ঈশ্বরের কৃপার যত্ন নেওয়া 18

।

ঐশ্বরিক কৃপা কী?

ঐশ্বরিক কৃপা হল এমন একটা বিষয় যা ঈশ্বর তাঁর লোকেদের উপর প্রদান করে থাকেন। এটি তাঁর আশীর্বাদের মধ্যে একটি যা তিনি আমাদের দিয়ে থাকেন। এই সহজ ও সরল অধ্যয়নে, আমরা আবিষ্কার করবো যে ঐশ্বরিক কৃপা কী, এটা আমাদের জীবনে কী নিয়ে আসে, এবং এই ঐশ্বরিক কৃপা লাভ করার জন্য আমরা কী করতে পারি।

- ঐশ্বরিক কৃপা কী?
- আমাদের উপর ঐশ্বরিক কৃপা অবস্থিতি করার পরিণতিগুলি কী কী?
- আমাদের উপর ঐশ্বরিক কৃপা অবস্থিতি করার কারণগুলি কী কী?

ঐশ্বরিক কৃপা হল ঈশ্বরদত্ত একটা বিষয় যা কোনো একজন ব্যক্তির উপর এসে পড়ে এবং সেটা সেই ব্যক্তিকে প্রভাবশালী করে, লোকেদের কাছে, স্থান অথবা কোনো বিষয়ের প্রতি প্রবেশাধিকার দেয়, অস্বাভাবিক সুযোগ দেয়, উচ্চ পদে বসায়, এবং ঐশ্বরিক হস্তক্ষেপ দেখতে পাওয়া যায়।

বাইবেল বলে যে ঈশ্বর পক্ষপাতিত্ব করেন না (রোমীয় 2:11; থেরিড 10:34)।

রোমীয় 2:11

কেননা ঈশ্বরের কাছে মুখাপেক্ষা নাই।

গীতসংহিতা 34:8

আন্বাদন করিয়া দেখ, সদাশ্রদ্ধ মঙ্গলময়; ধন্য সেই ব্যক্তি, যে তাঁহার শরণাপন্ন।

থেরিড 10:34

তখন পিতর মুখ খুলিয়া কহিলেন, আমি সত্যই বুঝিলাম, ঈশ্বর মুখাপেক্ষা করেন না।

ঈশ্বর প্রত্যেক মানুষকে সমান ভাবে ভালোবাসেন এবং কারোর মুখাপেক্ষা করেন না। তবুও, মানবজাতির সাথে সম্পর্কে, আমরা দেখতে পাই যে ঈশ্বর কোনো নির্দিষ্ট সময়ে, অথবা জীবনের কোনো নির্দিষ্ট পর্যায়ে, অথবা জীবনের কিছু নির্দিষ্ট মুহূর্তে, কিছু কিছু মানুষের উপর, অথবা কোনো একদল লোকেদের উপর ঐশ্বরিক কৃপা প্রদান করে থাকেন। এবং এই বিষয়ের প্রতি আমি আপনাদের মনোযোগকে আকর্ষিত করতে চাই, যাতে আমরা ঈশ্বরের থেকে ঐশ্বরিক কৃপা লাভ করার প্রত্যাশা করতে পারি।

লোকেদের উপর ঈশ্বরের কৃপার কিছু উদাহরণ

নহিমিয়

নহিমিয় এমন একজন উদাহরণ যিনি ঐশ্বরিক কৃপা লাভ করেছিলেন। বাইবেলে বাবিলের রাজা, নবুখদনিৎসরের কাহিনী লেখা আছে, যিনি যিরূশালেমের উপর আক্রমণ করে সেই নগরকে জয় করেছিলেন (নহিমিয় 1,2)। তিনি মন্দির ও শহরের প্রাচীর ভেঙ্গে ফেলেছিলেন এবং অনেক মানুষদের বাবিলে বন্দী করে নিয়ে গিয়েছিলেন। সেখানে অনেক পরিবর্তন ঘটেছিল। এরপর পারস্য রাজা বাবিলের রাজাকে পরাজিত করেছিলেন। ঈশ্বরের লোকেরা সেই সময়ে বন্দী ছিল এবং নহিমিয় রাজপ্রাসাদে পানপাত্রবাহকের কাজ করতেন। রাজা যা কিছু খেতে ও পান করতে চাইতেন, তিনি সবকিছু এনে দিতেন। রাজপ্রাসাদে, যিরূশালেমে কী কী ঘটছে, সেই সংবাদ নহিমিয়ের কাছে এসে পৌঁছেছিল। তার হৃদয় বিচলিত হয়েছিল, এবং তিনি অনুভব করলেন যে যিরূশালেমের জন্য তাকে অবশ্যই কিছু সমাধান বের করতে হবে। তিনি নিজেকে বললেন, “আমাকে ফিরে গিয়ে যিরূশালেমের চারিপাশে প্রাচীর পুনরায় নির্মাণ করতে হবে” এবং এই বিষয়ে প্রার্থনা করা শুরু করলেন।

নহিমিয় 1:11

হে প্রভু, বিনয় করি, তোমার এই দাসের প্রার্থনাতে, এবং যাহারা তোমার নাম ভয় করিতে সম্ভষ্ট, তোমার সেই দাসদের প্রার্থনাতে তোমার কর্ণ অবহিত হউক; আর বিনয় করি, অদ্য তোমার এই দাসকে কৃতকার্য কর, ও এই ব্যক্তির সাক্ষাতে করুণাপ্রাপ্ত কর, আমি রাজার পানপাত্র-বাহক ছিলাম।

তাই, নহিমিয় প্রার্থনা করলেন ও রাজার দৃষ্টিতে কৃপা লাভ করার জন্য ঈশ্বরের থেকে অনুগ্রহ প্রার্থনা করলেন। এটা ছিল ঐশ্বরিক কৃপা লাভ করার একটি প্রার্থনা। দু দিন পর, নহিমিয় রাজপ্রাসাদে ফিরে গিয়েছিলেন।

নহিমিয় 2:1-8

1 অর্তক্ষুস্ত রাজার অধিকারের বিংশতিতম বৎসরের নীসন মাসে রাজার সম্মুখে দ্রাক্ষারস থাকতে আমি সেই দ্রাক্ষারস লইয়া রাজাকে দিলাম। [তৎপূর্বে] আমি তাঁহার সাক্ষাতে কখনও বিষণ্ণ হই নাই।

2 রাজা আমাকে কহিলেন, তোমার ত পীড়া হয় নাই, তবে মুখ কেন বিষণ্ণ হইয়াছে? ইহা ত চিন্তের বিষাদ ব্যতিরেকে আর কিছু নয়। তখন আমি অতিমাত্র ভীত হইলাম।

3 আর আমি রাজাকে কহিলাম, মহারাজ চিরজীবী হউন; আমি কেন বিষণ্ণবদন হইব না? যে নগর আমার পিতৃলোকদের কবরস্থান, তাহা ধ্বংসিত ও তাহার দ্বার সকল অগ্নিভক্ষিত হইয়াছে।

4 তখন রাজা আমাকে কহিলেন, তুমি কি ভিক্ষা চাও? তাহাতে আমি স্বর্গের ঈশ্বরের কাছে প্রার্থনা করিলাম।

5 আর রাজাকে কহিলাম, যদি মহারাজের তুষ্টি হয়, এবং আপনার দাস যদি আপনার দৃষ্টিতে অনুগ্রহ পাইয়া থাকে, তবে আপনি আমাকে যিহূদায়, আমার পিতৃলোকদের কবরের নগরে, বিদায় করুন, যেন আমি তাহা নির্মাণ করি।

6 তখন রাজা রাজমহিষীও তাঁহার পার্শ্বে উপবিষ্টা ছিলেন আমাকে জিজ্ঞাসা করিলেন, তোমার যাত্রা কতদিনের জন্য হইবে? আর কবে ফিরিয়া আসিবে? এইরূপে রাজা সন্তুষ্ট হইয়া আমাকে বিদায় করিলেন, আর আমি তাহার কাছে সময় নিরূপণ করিলাম।

7 আর আমি রাজাকে কহিলাম, যদি মহারাজের তুষ্টি হয়, তবে নদী-পারস্থ দেশাধ্যক্ষেরা যেন যিহূদায় আমার উপস্থিত না হওয়া পর্যন্ত আমার যাত্রার সাহায্য করেন, এই জন্য তাঁহাদের নামে আমাকে পত্র দিতে আজ্ঞা হউক।

8 আর মন্দিরের পার্শ্বস্থ দুর্গ-দ্বারের ও নগর-প্রাচীরের ও আমার প্রবেশ-গৃহের কড়িকাঠের নিমিত্ত রাজার বন-রক্ষক আসফ যেন আমাকে কাষ্ঠ দেন, এই জন্য তাঁহার নামেও একখানি পত্র দিতে আজ্ঞা হউক। তাহাতে আমার উপরে আমার ঈশ্বরের মঙ্গলময় হস্ত থাকায় রাজা আমাকে সেই সমস্ত দিলেন।

নহিমিয় রাজার থেকে কী যাচঞা করেছিলেন, সেটা বোঝার চেষ্টা করুন। তিনি মূলত রাজাকে বলেছিলেন যে তিনি রাজার শত্রুদের কাছে ফিরে যেতে চান ও তাদের শক্তিয়ুক্ত করতে চান, যাতে তারা নিজেদেরকে

এই রাজার বিরুদ্ধে রক্ষা করতে পারে, কারণ সেই দিনে, শহরের চারিপাশে প্রাচীর ছিল একটা অন্যতম সুরক্ষা ব্যবস্থা। তারা যদি শক্তিশালী প্রাচীর নির্মাণ করতে পারে, তাহলে তারা শত্রুদের পরাজিত করতে পারবে। নহিমিয়ের থেকে এটা একটা নিদারুণ অনুরোধ ছিল, কিন্তু তবুও রাজা তার অনুরোধ রেখেছিলেন। মনে রাখবেন, নহিমিয় কোনো বড় ও প্রভাবশালী রাজনৈতিক নেতা ছিলেন না অথবা কোনো প্রভাবশালী ব্যক্তি ছিলেন না, কিন্তু রাজপ্রাসাদে একজন দাস ছিলেন, রাজার সেবা করতেন। সারাংশে নহিমিয় বলেছিলেন, “তাহাতে আমার উপরে আমার ঈশ্বরের মঙ্গলময় হস্ত থাকায় রাজা আমাকে সেই সমস্ত দিলেন” (নহিমিয় 2:8)। তাই, তিনি ঘোষণা করলেন যে ঈশ্বরের হাত তার উপর ছিল বলে, রাজা তার সকল অনুরোধ রেখেছিলেন। এবং তাই, নহিমিয় যিরূশালেমে ফিরে গিয়েছিলেন ও লোকেদের এই বিষয়ের প্রতি দৃষ্টিপাত করতে বলেছিলেন যে তারা কী প্রকারের অসহায়তার মধ্যে ডুবে রয়েছে এবং কীভাবে যিরূশালেম ধ্বংসের মধ্যে পড়ে রয়েছে।

নহিমিয় 2:18

পরে আমার উপরে প্রসারিত ঈশ্বরের মঙ্গলময় হস্তের কথা এবং আমার প্রতি কথিত রাজার বাক্য তাহাদিগকে জানাইলাম। তাহাতে তাহারা কহিল, চল, আমরা উঠিয়া গিয়া গাঁথি। এইরূপে তাহারা সেই সাধু কার্যের জন্য আপন আপন হস্ত সবল করিল।

নহিমিয় শুধুমাত্র ঈশ্বরের কৃপা অনুভব করেননি, কিন্তু সেই কৃপার অভিজ্ঞতার কথা অন্যান্য লোকেদের সাথেও ভাগ করে নিয়েছিলেন। তাই, নহিমিয়ের উপর ঈশ্বরের কৃপা লোকেদেরকে তার প্রতি আকর্ষিত করেছিল। অন্যান্য লোকেরা নহিমিয়ের সাথে যুক্ত হতে চেয়েছিল এবং তার মিশনের একটি অংশ হতে চেয়েছিল! বর্তমানেও ঈশ্বরের কৃপা আপনার ও আমার জন্য একই প্রকারের কাজ করতে পারে!

নহিমিয় ঈশ্বরের কৃপায় গমনাগমন করেছিলেন এবং এটা অন্যান্য লোকেদের হৃদয়ে এমন এক সাহস নিয়ে এসেছিল যে বিরোধিতার মুখেও তারা সবাই মিলে এই উত্তর দিয়েছিল, “... যিনি স্বর্গের ঈশ্বর, তিনিই আমাদিগকে কৃতকার্য করিবেন; অতএব তাঁহার দাস আমরা উঠিয়া গাঁথিব ...” (নহিমিয় 2:20)। সুতরাং, তারা জানতো যে তারা ঈশ্বরের কৃপার মধ্যে রয়েছে এবং ঈশ্বর তাদের মাঝে যে কাজ করছিলেন, সেটা তারা চিহ্নিত

করতে পেরেছিল। তারা বিশ্বাস করেছিল যে ঈশ্বরের উত্তম কৃপায়ুক্ত হাত তাদের উপর ছিল, এবং লোকে যাই বলুক না কেন, তারা উঠে দাঁড়িয়ে নির্মাণ করতে থাকবে।

যোষেফ

আদিপুস্তক 39 অধ্যায় থেকে যোষেফের কাহিনী আমরা জানতে পারি, যেখানে তার ভাইয়েরা তাকে মিশরে ক্রীতদাস রূপে বিক্রি করে দিয়েছিল। সেখানে তিনি পোটাফরের বাড়িতে সেবা করেছিলেন এবং পরে তাকে কারাগারে বন্দী করে দেওয়া হয়েছিল।

আদিপুস্তক 39:21,22

²¹ কিন্তু সদাশ্রু যোষেফের সহবর্তী ছিলেন, এবং তাঁহার প্রতি দয়া করিলেন; ও তাঁহাকে কারারক্ষকের দৃষ্টিতে অনুগ্রহের পাত্র করিলেন।

²² তাহাতে কারারক্ষক কারাশ্রিত সমস্ত বন্দির ভর যোষেফের হস্তে সমর্পণ করিলেন, আর তথাকার লোকদের সমস্ত কর্ম যোষেফের আজ্ঞা অনুসারে চলিতে লাগিল।

তাই, এমনকি কারাগারের মধ্যেও, কারারক্ষক যোষেফকে দায়িত্বে রেখেছিলেন। এটা ছিল একটা ঐশ্বরিক কৃপা। কারারক্ষক এক মুহূর্তের জন্যও ভাবেননি যে যোষেফ নিজেকে ও অন্যান্য বন্দীদের পালাতে সাহায্য করবে। কল্পনা করুন, একজন কারাগারে বন্দী তার নিজের কারাগারের দেখাশোনা ও তত্ত্বাবধান করছে!

থেরিৎ 7:9,10

⁹ আর পিতৃকুলপতিরা যোষেফের প্রতি ঈর্ষা করিয়া তাঁহাকে বিক্রয় করিলে তিনি মিসরে নীত হন।

¹⁰ কিন্তু ঈশ্বর তাঁহার সঙ্গে সঙ্গে ছিলেন, এবং তাঁহার সমস্ত ক্লেশ হইতে তাঁহাকে উদ্ধার করিলেন, আর মিসর-রাজ ফরৌণের সাক্ষাতে অনুগ্রহ ও বিজ্ঞতা প্রদান করিলেন; তাহাতে ফরৌণ তাঁহাকে মিসরের ও আপন সমস্ত গৃহের অধ্যক্ষ-পদে নিযুক্ত করিলেন।

ঈশ্বর যোষেফকে কৃপা দেখিয়েছিলেন এবং রাতারাতি তিনি কারাগারে একজন বন্দী থেকে দেশের প্রধানমন্ত্রীর পরিণত হলেন। ঈশ্বরের কৃপা এমন কাজ আমাদের জীবনেও করতে পারে। মুহূর্তের মধ্যে সবকিছু

পরিবর্তন হতে পারে।

মিশরে ইস্রায়েল জাতির লোকেরা

ইস্রায়েলের লোকেরা 400 বছর ধরে মিশরে বন্দী ছিল। ঈশ্বর মোশির সাথে কথা বললেন তার মিশনের শুরুতে, এবং তাকে বললেন, “আর আমি মিসরীয়দের দৃষ্টিতে এই লোকদিগকে অনুগ্রহের পাত্র করিব; তাহাতে তোমরা যাত্রাকালে রিভ হস্তে যাইবে না; কিন্তু প্রত্যেক স্ত্রী আপন আপন প্রতিবাসিনী কিম্বা গৃহে প্রবাসিনী স্ত্রীর কাছে রৌপ্যালঙ্কার, স্বর্ণালঙ্কার ও বস্ত্র চাহিবে; এবং তোমরা তাহা আপন আপন পুত্রদের ও কন্যাদের গাত্রে পরাইবে; এইরূপে তোমরা মিসরীয়দের দ্রব্য হরণ করিবে” (যাত্রাপুস্তক 3:21,22)। ঈশ্বর মোশিকে বলেছিলেন যে মিশরীয়দের দৃষ্টির সামনে তিনি ইস্রায়েলের লোকদের প্রতি কৃপা করবেন—সেই লোকদের সামনে, যারা তাদেরকে এত বছর ধরে বন্দী করে রেখেছিল। তিনি মোশিকে এটাই বলছিলেন যে যখন ইস্রায়েলীয়দের মিশর থেকে বের করে আনার সময় এসে উপস্থিত হবে, তখন মোশি তাদেরকে প্রতিশ্রুত দেশে পরিচালনা করবেন। ঈশ্বর স্পষ্ট ভাবে মোশিকে বলেছিলেন যে তাঁর লোকদের উপর তাঁর কৃপার কারণেই, ইস্রায়েলীয়েরা খালি হাতে মিশর থেকে বেরিয়ে আসবে না।

যাত্রাপুস্তক 11:3

আর সদাপ্রভু মিসরীয়দের দৃষ্টিতে লোকদিগকে অনুগ্রহের পাত্র করিলেন। আবার মিসর দেশে মোশি ফরৌণের দাসদের ও প্রজাদের দৃষ্টিতে অতি মহান ব্যক্তি হইয়া উঠিলেন।

হঠাৎ, ইস্রায়েলীদের প্রতি মিশরীয়দের মতামত, দৃষ্টিকোণ পরিবর্তন হয়ে গিয়েছিল। মিশরীয়দের সামনে ঈশ্বর ইস্রায়েলীয়দের প্রতি কৃপা করেছিলেন। সবকিছু পরিবর্তিত হয়েছিল!

যাত্রাপুস্তক 12:35-37

³⁵ আর ইস্রায়েল-সন্তানেরা মোশির কথা অনুসারে কার্য করিল; ফলে তাহারা মিসরীয়দের কাছে রৌপ্যালংকার, স্বর্ণালংকার ও বস্ত্র চাহিল।

³⁶ আর সদাপ্রভু মিসরীয়দের দৃষ্টিতে তাহাদিগকে অনুগ্রহের পাত্র করিলেন, তাই তাহারা যাহা চাহিল, মিসরীয়েরা তাহাদিগকে তাহাই দিল। এইরূপে তাহারা মিসরীয়দের ধন হরণ করিল।

37 তখন ইস্রায়েল-সন্তানেরা বালক ছাড়া কমবেশ ছয় লক্ষ পদাতিক পুরুষ রামিষেব হইতে সুক্কোতে যাত্রা করিল।

এ ছাড়াও, মিশরীয়দের সামনে ঐশ্বরিক কৃপা লাভ করার কারণে, মিশরীয়েরা ইস্রায়েলীয়দের সেই সবকিছু দিয়েছিলেন যা তারা চেয়েছিল। সুতরাং, এক প্রকারে তারা মিশরীয়দের লুট করে নিয়েছিল। কল্পনা করুন আপনার বাড়ির “হোম হেল্প” (পরিচারিকা) আপনার কাছে এসে আপনার সব সোনা-গয়না তাকে দিয়ে দিতে বলছে। আপনি হয়ত ভাববেন যে সেই পরিচারিকা হয়ত উন্মাদ হয়ে গিয়েছে। কিন্তু 400 বছরের দাসত্বের পর ইস্রায়েলীয়েরা এটাই চেয়েছিল মিশরীয়দের কাছ থেকে। মুহূর্তের মধ্যে ঐশ্বরিক কৃপার কারণে, ধন-সম্পদ হস্তান্তরিত হয়েছিল—মিশরীয়দের হাত থেকে ইস্রায়েলীদের হাতে। এই সবকিছু রাতারাতি ঘটেছিল।

আপনি কি বিশ্বাস করেন যে ঈশ্বর এইরূপ আপনার ও আমার জন্যও করতে পারেন? আপনি কি বিশ্বাস করেন যে ঈশ্বর মুহূর্তের মধ্যে ও কোনো নির্দিষ্ট মুহূর্তের জন্য ঐশ্বরিক কৃপা আপনার জীবনে পাঠাতে পারেন? আমি বিশ্বাস করি যে ঈশ্বর পারেন! সময় বদলেছে। লোকেরা বদলেছে। কিন্তু আমাদের ঈশ্বর হলেন সেই ঈশ্বর যিনি অনবরত তাঁর লোকেদের উপর ঐশ্বরিক কৃপা প্রদান করতে থাকেন। তাঁর লোকেদের উপর তাঁর কৃপা সেই সকল কাজকে সাধন করে, যা সাধারণত কখনই হতে পারে না।

2

আমাদের উপর ঈশ্বরের কৃপা অবস্থিতি করার পরিণতি কী?

লোকেদের মাঝে প্রভাববিস্তার

ঐশ্বরিক কৃপা আমাদেরকে লোকেদের মাঝে প্রভাববিস্তার করতে সাহায্য করে। নহিমিয় একজন “নোবডি” ছিলেন। যোষেফ কারাগারে বন্দী ছিলেন। ইস্রায়েলীয়েরা ক্রীতদাস ছিল। কিন্তু যখন ঈশ্বরের কৃপা তাদের উপর এসে পড়েছিল, তখন তারা প্রভাব বিস্তার করেছিল। তারা কথা বলতে পেরেছিল এবং তাদের পক্ষে ঘটনাগুলি ঘটেছিল।

লোক, স্থান ও বিষয়বস্তুর প্রতি প্রবেশাধিকার লাভ করা

ঈশ্বরের কৃপা আমাদেরকে লোক, স্থান ও বিষয়বস্তুর মাঝে প্রবেশাধিকার দিয়ে থাকে। হঠাৎ, ঈশ্বর আমাদেরকে সঠিক লোকেদের মাঝে, সঠিক স্থানে, অথবা ধন-সম্পদে প্রবেশাধিকার দিয়ে থাকেন যখন তিনি আমাদের উপর তাঁর কৃপা প্রদান করেন।

অস্বাভাবিক সুযোগ

ঈশ্বরের কৃপা অস্বাভাবিক সুযোগ আমাদের জীবনে নিয়ে আসে—এমন সুযোগ যা অন্যেরা পেতে পারে না।

উন্নতি নিয়ে আসে

গীতসংহিতা 89:17

যেহেতু তুমিই তাহাদের বলের শোভা, আর তোমার অনুগ্রহে আমাদের শৃঙ্গ উন্নত হইবে।

এখানে “শৃঙ্গ” কথাটির অর্থ হল “নেতা”। ঈশ্বরের কৃপা আমাদের উন্নত করে।

ঐশ্বরিক কৃপা

জীবন প্রদান করে

ঐশ্বর যখন তাঁর কৃপা বর্ষণ করেন, তখন মৃতপ্রায় বিষয়গুলিও প্রাণ ফিরে পায়। আমাদের জীবনের পরিস্থিতি পাণ্টে যায় যখন ঐশ্বরের কৃপা আমাদের উপর দেওয়া হয়।

গীতসংহিতা 30:5

কেননা তাঁহার ক্রোধ নিমেষমাত্র থাকে, তাঁহার অনুগ্রহেতেই জীবন; সন্ধ্যাকালে রোদন অতিথি রূপে আইসে, কিন্তু প্রাতঃকালে আনন্দ উপস্থিত হয়।

গীতসংহিতা 30:11

তুমি আমার বিলাপ নৃত্যে পরিণত করিয়াছ; তুমি আমার চট খুলিয়া আমাকে আনন্দ পটুকায় বন্ধকটি করিয়াছ।

3

কী কী কারণে ঈশ্বরের কৃপা আমাদের উপর অবস্থিতি করে?

কী কারণে ঈশ্বরিক কৃপা একজন ব্যক্তির জীবনে এসে পড়ে? কেনই বা কোনো নির্দিষ্ট সময়ে, কোনো নির্দিষ্ট ব্যক্তির উপর এসে পড়ে? শাস্ত্র অধ্যয়ন করার ফলে কয়েকটি উত্তর আমি পেয়েছি, যা আমি नीচে দিলাম:

আমাদের দায়িত্বের সাথে কৃপা সংযুক্ত রয়েছে

ঈশ্বরের কৃপা সর্বদা আমাদের উপর প্রদত্ত দায়িত্বের সাথে সংযুক্ত থাকে। আমাদের প্রত্যেককে ঈশ্বরদত্ত এক দায়িত্ব দেওয়া হয়েছে এবং যখনই আমরা আমাদের দায়িত্বের দিকে অগ্রসর হই, তখনই ঈশ্বরের কৃপা আমাদের উপর এসে পৌঁছায়। বাইবেল থেকে কয়েকটি উদাহরণ এখানে দেওয়া হল:

মরিয়ম

লুক 1:30

দূত তাঁহাকে কহিলেন, মরিয়ম, ভয় করিও না, কেননা তুমি ঈশ্বরের নিকটে অনুগ্রহ পাইয়াছ।

ঈশ্বর অন্য কোনো কুমারীকে বেছে নিতে পারতেন মশীহকে জন্ম দেওয়ার একজন মাধ্যম হিসেবে। কিন্তু তিনি মরিয়মকে বেছে নিলেন। তিনি একটি নির্দিষ্ট কাজের জন্য—অর্থাৎ মশীহকে জন্ম দেওয়ার জন্য একজন “অনুগ্রহ প্রাপ্ত ব্যক্তি” ছিলেন।

যীশু

লুক 2:52

পরে যীশু জ্ঞানে ও বয়সে এবং ঈশ্বরের ও মনুষ্যের নিকটে অনুগ্রহে বৃদ্ধি পাইতে থাকিলেন।

নহিমিয়

কেন নহিমিয় ঐশ্বরিক কৃপা অনুভব করেছিলেন? কারণ তিনি যিরূশালেমের প্রাচীর নির্মাণের দায়িত্ব নিতে যাচ্ছিলেন, এবং এই কারণেই নহিমিয় ঈশ্বরের কৃপা লাভ করেছিলেন।

যোষেফ

যোষেফ কেন ঐশ্বরিক কৃপা লাভ করেছিলেন? কারণ তিনি প্রধানমন্ত্রী হওয়ার দায়িত্বভার গ্রহণ করতে যাচ্ছিলেন, তার স্বপ্নের পূর্ণতা হিসেবে তার লোকেদেরকে নিস্তার করার জন্য।

ইষ্টের

ইষ্টের রানী ঐশ্বরিক কৃপা লাভ করেছিলেন কারণ তাকে দায়িত্ব দেওয়া হয়েছিল ইহুদী লোকেদের রক্ষা করার। ইষ্টের একজন অনাথা ছিলেন, যার জীবন যেকোনো গুরুত্বহীন মানুষের মত হয়ে উঠতে পারতো। কিন্তু ঈশ্বরের কৃপা তার উপর ছিল। তাকে বেছে নেওয়া হয়েছিল রাজা অহশ্বেরশের রানী হওয়ার জন্য। এবং সঠিক সময়ে, ইষ্টের রানী যখন রাজার কাছে একটা নিবেদন রাখতে গিয়েছিলেন, তখন রাজা তাকে প্রাসঙ্গে দাঁড়িয়ে থাকতে দেখেন, এবং তিনি রাজার দৃষ্টিতেও কৃপা লাভ করলেন। তাই, রাজা তার সোনার রাজদণ্ড এগিয়ে ধরলেন এবং রানী ইষ্টের সামনে এগিয়ে এসে রাজদণ্ডের উপরের অংশটিকে স্পর্শ করলেন। এবং রাজা তাকে জিজ্ঞাসা করলেন, “তুমি কী চাও, রানী? তোমার অনুরোধ কী? তা তোমাকে দেওয়া হবে—অর্ধেক রাজত্ব পর্যন্তও দেওয়া হবে!” সুতরাং, ঈশ্বরের কৃপা তার উপর ছিল কারণ তিনি একটি বিশেষ দায়িত্ব নিজের হাতে তুলে নিয়েছিলেন। পরে ইষ্টের রানী উপলব্ধি করতে পেরেছিলেন যে তাকে একটা দায়িত্বভার দেওয়া হয়েছিল এবং তা হল ঈশ্বরের লোকেদের রক্ষা করা।

তাই, যখনই আমরা কোনো দায়িত্বের মাঝখানে থাকি, ঈশ্বরের কৃপা আমাদের উপর এসে পড়বে। এর অর্থ, আমরা যদি আমাদের নিজস্ব কাজের মধ্যে ব্যস্ত থাকি, তাহলে এই ঐশ্বরিক কৃপা লাভ করার

মুহূর্তগুলিকে হাতছাড়া করবো। এবং ঈশ্বর তাঁর কৃপা প্রদান করেন কারণ তিনি আমাদের জীবনের জন্য কিছু দায়িত্ব আমাদের দিয়েছেন, যা তিনি চান আমরা যেন পূর্ণ করি। এই কারণে, অনেকসময় অপ্রত্যাশিত দরজা খুলে যায় এবং আমরা লোক, স্থান, ও বিষয়বস্তুর প্রতি প্রবেশাধিকার লাভ করি, যেখানে অন্যান্য ব্যক্তির প্রবেশাধিকার নাও পেতে পারে। অনেকসময় আমরা আমাদের হাতে অনেক অর্থ ও ধন লাভ করে থাকি। অন্য সময়ে, আমরা লক্ষ্য করতে পারি যে লোকেরা আমাদের দ্বারা প্রভাবিত হয়ে বলবে, “আমিও এই মিশনের একটি অংশ হয়ে উঠতে চাই।” এটাই হল ঈশ্বরিক কৃপা যা আমাদের জীবনের উপর দেওয়া হয়ে থাকে।

কিন্তু, আমরা যেন এটাও স্মরণে রাখি যে কোনো এক মুহূর্তের ঈশ্বরিক কৃপার পর, আমরা যেন আমাদের কাজ অনবরত করতে থাকি এবং সেই ঈশ্বরদত্ত কাজটি সম্পন্ন করার জন্য আমাদের যা কিছু করণীয়, সেইগুলি যেন করতে থাকতে পারি। এটা একটা মুহূর্তের জন্য ঈশ্বরের কৃপা ছিল যখন রাজা নহিমিয়ের সকল অনুরোধ ধার্য করেছিলেন। কিন্তু এর পর নহিমিয়কে পরিশ্রম করতে হয়েছিল ও অনেক বিরোধিতার, মিথ্যা অভিযোগ, ভিতরের লোকদের থেকে সমস্যা, এবং আরও কিছু মোকাবিলা করতে হয়েছিল যতক্ষণ না পর্যন্ত তিনি তার দায়িত্বকে সম্পন্ন হতে দেখেছিলেন।

সাবধান থাকুন, ঈশ্বর যে কৃপা আপনার উপর করেছেন, সেটাকে নষ্ট হতে দেবেন না। রাজা শৌল ঈশ্বরের দেওয়া উত্তম কৃপা নষ্ট করেছিলেন ও ঈশ্বর অন্য একজনকে খুঁজে পেয়েছিলেন—দায়ূদ—তাঁর দায়িত্বকে পূর্ণ করার জন্য।

1 শমুয়েল 15:10,11,16-22

¹⁰ পরে শমুয়েলের কাছে সদাপ্রভুর এই বাক্য উপস্থিত হইল,

¹¹ আমি শৌলকে রাজা করিয়াছি বলিয়া আমার অনুশোচনা হইতেছে, যেহেতু সে আমার অনুগমন হইতে ফিরিয়া আসিয়াছে, আমার বাক্য পালন করে নাই। তখন শমুয়েল ত্রুদ্ধ হইলেন, এবং সমস্ত রাত্রি সদাপ্রভুর কাছে ক্রন্দন করিলেন।

¹⁶ তখন শমুয়েল শৌলকে কহিলেন, ক্ষান্ত হও; গত রাত্রিতে সদাপ্রভু আমাকে যাহা বলিয়াছেন, তাহা তোমাকে বলি। শৌল কহিলেন, বলুন।

¹⁷ শমুয়েল কহিলেন, যদিও তুমি আপনার দৃষ্টিতে ক্ষুদ্র ছিলে, তথাপি তোমাকে কি

ইস্রায়েল বংশ সকলের মন্তক করা হয় নাই? আর সদাপ্রভু তোমাকে ইস্রায়েলের উপরে রাজপদে অভিষিক্ত করিলেন।

18 পরে সদাপ্রভু তোমাকে যাত্রাপথে পাঠাইলেন, কহিলেন, যাও, সেই পাপিষ্ঠ অমালেকীয়দিগকে নিঃশেষে বিনষ্ট কর; এবং যে পর্যন্ত তাহারা উচ্ছিন্ন না হয়, তাবৎ তাহাদের সঙ্গে যুদ্ধ কর।

19 তবে তুমি সদাপ্রভুর রবে অবধান না করিয়া কেন লুটের উপরে পড়িয়া সদাপ্রভুর দৃষ্টিতে যাহা মন্দ, তাহাই করিয়াছ?

20 শৌল শমুয়েলকে কহিলেন, আমি ত সদাপ্রভুর রবে অবধান করিয়াছি, যে পথে সদাপ্রভু আমাকে পাঠাইয়াছেন, সেই পথে গিয়াছি, আর অমালেকের রাজা অগাগকে আনিয়াছি, ও অমালেকীয়দিগকে নিঃশেষে বিনষ্ট করিয়াছি।

21 কিন্তু গিল্গলে আপনার ঈশ্বর সদাপ্রভুর উদ্দেশে বলিদান করিবার জন্য লোকেরা বর্জিত দ্রব্যের অগ্রিমাংশ বলিয়া লুটের মধ্য হইতে কতকগুলি মেস ও গরু আনিয়াছে।

22 শমুয়েল কহিলেন, সদাপ্রভুর রবে অবধান করিলে যেমন, তেমন কি হোমে ও বলিদানে সদাপ্রভু প্রসন্ন হন? দেখ, বলিদান অপেক্ষা আঞ্জা পালন উত্তম, এবং মেঘের মেদ অপেক্ষা অবধান করা উত্তম।

নির্দিষ্ট সময়ের সাথে ঈশ্বরের কৃপা সংযুক্ত থাকে

গীতসংহিতা 102:13

তুমি উঠিবে, সিয়োনের প্রতি করুণা করিবে; কারণ এখন তাহার প্রতি কৃপা করিবার সময়, কারণ নিরাপিত কাল উপস্থিত হইল।

আমাদের জীবনে কিছু নির্দিষ্ট মুহূর্ত থাকে যখন ঈশ্বরের কৃপা আমাদের জীবনের উপর ঢেলে দেওয়া হয় কোনো একটা নির্দিষ্ট কাজের জন্য। একটা নির্দিষ্ট সময় রয়েছে যেখানে ঐশ্বরিক কৃপা আমাদের জীবনের উপর ঢেলে দেওয়া হয় এবং আমরা চিন্তাভাবনা করতে থাকি যে কীভাবে আমরা কিছু না করেও এমন কৃপার অভিজ্ঞতা পেতে পারি। এটা হল একটা কৃপা বর্ষণের সময়কাল! আমাদের সময়কাল তাঁর হাতে রয়েছে (গীতসংহিতা 31:15)।

এই কৃপা বর্ষণের সময়কালের মাঝখানে, প্রস্তুতির সময় থাকে যা আমাদের প্রস্তুত করে যাতে আমরা এই কৃপাগুলি সামলাতে পারি। ইতিমধ্যে, আমরা যেন অবশ্যই সেই দায়িত্বের প্রতি বিশ্বস্ত থাকি যা

আমাদের দেওয়া হয়েছে এবং স্বাভাবিক ভাবে সেই অনুগ্রহের সাথে কাজ করতে থাকি যা আমাদের প্রদান করা হয়েছে এই দায়িত্বটি পূর্ণ করার জন্য। আমরা যেন এই কৃপাটির অপব্যবহার না করি যখন আমরা সেটাকে লাভ করে থাকি, যাতে আমরা ঈশ্বরের পরবর্তী কৃপা বর্ষণের জন্য প্রস্তুত থাকতে পারি।

ধার্মিকতার সাথে কৃপা সংযুক্ত থাকে

গীতসংহিতা 5:12

কেননা তুমি ধার্মিককে আশীর্বাদ করিবে, হে সদাপ্রভু, তুমি ঢালের ন্যায় তাহাকে প্রসন্নতায় বেষ্টন করিবে।

দানিয়েল 9:23

তোমার বিনতির আরম্ভ সময়েই আজ্ঞা নির্গত হইয়াছিল, তাই আমি তোমাকে সংবাদ দিতে আসিলাম, কেননা তুমি অতিশয় প্রীতি-পাত্র; অতএব এই বিষয় বিবেচনা কর, ও এই দর্শন বুঝিয়া লও।

দানিয়েল 10:11,19

¹¹ পরে তিনি আমাকে কহিলেন, হে মহাপ্রীতি-পাত্র দানিয়েল, আমি তোমাকে যে যে কথা বলিব, সেই সকল বুঝিয়া লও, এবং উঠিয়া দাঁড়াও, কেননা আমি এখন তোমারই কাছে প্রেরিত হইলাম। তিনি আমাকে এই কথা কহিলে আমি কাঁপিতে কাঁপিতে উঠিয়া দাঁড়াইলাম।

¹⁹ আর তিনি কহিলেন, হে মহাপ্রীতি-পাত্র, ভয় করিও না, তোমার শান্তি হউক, সবল হও, সবল হও। তিনি আমার সহিত আলাপ করিলে আমি সবল হইলাম, আর বলিলাম, আমার প্রভু বলুন, কেননা আপনি আমাকে সবল করিয়াছেন।

ঈশ্বরের কৃপা ধার্মিকতার সাথে সংযুক্ত রয়েছে। দানিয়েল হলেন এমন একজন আদর্শ ব্যক্তি যিনি ধার্মিকতার জন্য দাঁড়িয়েছিলেন। তিনি কঠিন পরিস্থিতিতেও ধার্মিকতায় চলেছিলেন। ঈশ্বর তাকে “মহাপ্রীতি-পাত্র” বলে সম্বোধন করেছেন। ঈশ্বর ধার্মিককে অবশ্যই আশীর্বাদ করবেন। তিনি তাদের চারিপাশে ঢালের মত কৃপা বেষ্টন করে রাখবেন (গীতসংহিতা 5:12)। তাই, যখন আমরা ধার্মিকতায় গমন করি, তখন আমাদের চারিপাশে তিনি তাঁর কৃপা দ্বারা বেষ্টন করে রাখবেন। তাই, আমাদের সাথে যাই সংস্পর্শে আসুক না কেন, তারা এই অদৃশ্য কৃপার—

ঈশ্বরিক কৃপা

অর্থাৎ কৃপার একটা বেষ্টনকারী ঢালের সংস্পর্শেও আসবে।

হিতোপদেশ 3:3,4

৩ দয়া ও সত্য তোমাকে ভাগ না করুক; তুমি ইহাদের তোমার কর্তৃদেশে বাঁধিয়া রাখ, তোমার হৃদয়-ফলকে লিখিয়া রাখ।

৪ তাহা করিলে অনুগ্রহ ও সুবুদ্ধি পাইবে, ঈশ্বরের ও মনুষ্যের দৃষ্টিতে পাইবে

হিতোপদেশ 12:2

সং লোক সদাপ্রভুর কাছে অনুগ্রহ পাইবে; কিন্তু তিনি কুকল্পনাকারীকে দোষী করিবেন।

ঈশ্বর চান, দুটো বিষয় যেন আমরা আমাদের হৃদয়ের মধ্যে রাখি।

1. দয়া, অর্থাৎ করুণা, এবং
2. সত্য, অর্থাৎ সততা, ধার্মিকতা, ও ন্যায়পরায়নতা।

ঈশ্বর বলেছেন যে এই দুটো বিষয় যদি আমরা বজায় রাখতে পারি, তাহলে ঈশ্বরের দৃষ্টিতে ও মানুষের দৃষ্টিতে কৃপা লাভ করবো। তাই যখন আমরা দয়া ও সত্যে গমনাগমন করি, তখন কৃপা আমাদের জীবনের প্রতি আকর্ষিত হয়।

প্রজ্ঞা ও বোধবুদ্ধির সাথে কৃপা সংযুক্ত থাকে

হিতোপদেশ 8:35

কেননা যে আমাকে (প্রজ্ঞা) পায়, সে জীবন পায়, এবং সদাপ্রভুর অনুগ্রহ ভোগ করে।

হিতোপদেশ 13:15

সুবুদ্ধি অনুগ্রহজনক, কিন্তু বিশ্বাসঘাতকদের পথ অসমান।

হিতোপদেশ 14:35

যে দাস বুদ্ধিপূর্বক চলে, তাহার প্রতি রাজার অনুগ্রহ বর্তে; কিন্তু লজ্জাদায়ী তাঁহার ক্রোধের পাত্র হয়।

প্রজ্ঞা ও বোধবুদ্ধির সাথে কৃপা সংযুক্ত আছে। কারণ, যখন আমরা প্রজ্ঞা ও সুবুদ্ধির সাথে গমনাগমন করাকে বেছে নিই, তখন আমরা জীবন ও কৃপা লাভ করি। ঈশ্বর যখন জানেন যে আমাদের তিনি যা দিয়েছেন

তা আমরা সঠিক ভাবে ব্যবহার করবো, তখন তিনি আমাদের প্রতি কৃপা প্রদান করেন। তাই, আমরা যেন প্রজ্ঞা ও সুবুদ্ধিকে মূল্য দিতে শিখি, এবং নিজেদেরকে ঈশ্বরের কৃপা লাভ করার পর্যায় অবস্থিত করি।

গীতসংহিতা 106:4

সদাপ্রভু, তোমার প্রজ্ঞাদের প্রতি তোমার যে মমতা, সেই মমতায় আমাকে স্মরণ কর;
তোমার পরিত্রাণসহ আমার তত্ত্ব লও।

গীতসংহিতা 119:58

আমি সর্বাশুংকরণে তোমার মুখের প্রসন্নতা চেষ্টা করিয়াছি; তোমার বচনানুসারে আমার
প্রতি কৃপা কর।

হিতোপদেশ 22:1

প্রচুর ধন অপেক্ষা সুখ্যাতি বরণীয়;
রৌপ্য ও সুবর্ণ অপেক্ষা প্রসন্নতা ভাল।

আমি আপনাদেরকে এইগুলি করার জন্য উৎসাহিত করি:

- ঐশ্বরিক কৃপার জন্য প্রার্থনা করুন।
- ঐশ্বরিক কৃপা লাভ করার জন্য নিজেকে সঠিক স্থানে অবস্থিত করান।
- ঐশ্বরিক কৃপা লাভ করার প্রত্যাশায় থাকুন।

সমস্ত অন্তঃকরণ দিয়ে ঈশ্বরের কাছে কৃপার জন্য প্রার্থনা করুন কারণ এই ঐশ্বরিক কৃপার আশীর্বাদ আশ্চর্য সকল কাজ করতে থাকে। কৃপা লাভের মুহূর্তগুলিতে, কৃপা লাভের সময়কালে, আপনি সেই সকল লাভ করবেন যা অর্থ ক্রয় করতে পারবে না। কারাগার থেকে প্রধানমন্ত্রী হওয়ার জন্য কী অর্থ মূল্য যোগেফ দিয়েছিলেন? রানী হওয়ার জন্য ইষ্টের কী মূল্য দিয়েছিলেন? সকল অনুরোধ মেনে নেওয়ার জন্য নহিমিয় রাজাকে কী মূল্য দিয়েছিলেন?

আপনার কর্মক্ষেত্রে হোক, কর্মজীবনে হোক, ব্যবসায় হোক, পরিচর্যায় হোক, শিক্ষাক্ষেত্রে হোক, অথবা অন্য যেকোনো ক্ষেত্রে হোক না কেন, ঈশ্বরের কাছে কৃপা লাভ করার জন্য প্রার্থনা করুন। কৃপা লাভের জন্য আপনি প্রভুর কাছে অনুনয় করতে পারেন। এবং যখন সেই কৃপা আপনার

ঐশ্বরিক কৃপা

উপর ঢেলে দেওয়া হবে, মুহূর্তের মধ্যে অসাধারণ বিষয় ঘটবে, সুযোগ আপনার সামনে খুলে যাবে, আপনার পরিস্থিতি বদলে যাবে, এবং তিনি আপনার রোদন উল্লাসে পরিণত করবেন।

প্রার্থনা

সর্বশক্তিমান ঈশ্বর,

আমি প্রজ্ঞা ও ধার্মিকতার সাথে কাজ করবো। আমি নিজেকে এমন ভাবে অবস্থিতি করাচ্ছি যাতে আমি ঐশ্বরিক কৃপা লাভ করতে পারি এবং সেই কৃপা লাভ করার প্রত্যাশা করতে পারি! এ ছাড়াও, কৃপা লাভের সেই মুহূর্তগুলির মাঝে, আমি তোমার আহ্বানের প্রতি বিশ্বস্ত থাকবো। আমি পরবর্তী কৃপা লাভের সময়কালটিকে হাতছাড়া করতে চাই না, যা তুমি আমার জীবনের জন্য রেখেছ।

যীশুর নামে এই প্রার্থনা চাই, আমেন!

ঈশ্বরের কৃপার যত্ন নেওয়া

আমাদের জীবনে ঈশ্বরের কৃপা লাভ করা হল শুধুমাত্র অনুগ্রহের একটা কাজ। ঈশ্বর আমাদের উপর কৃপা প্রদান করেন এবং সেটা গ্রহণ করার জন্য আমরা নিজেদেরকে অবস্থিতি করাই। কিন্তু, এর পর আমরা কী করি সেটা অত্যন্ত গুরুত্বপূর্ণ। কীভাবে আমরা ঈশ্বরের কৃপার যত্ন নিই, সেটা নির্ধারণ করবে যে আমরা আমাদের দায়িত্বে অগ্রসর হচ্ছি কিনা, এবং সেটার দ্বারা অবশেষে ঈশ্বরের উদ্দেশ্য পূর্ণ হচ্ছে কিনা। এ ছাড়াও, ঈশ্বরের কৃপার সঠিক ভাবে যত্ন নেওয়া নির্ধারণ করবে যে তিনি কৃপা অনবরত ঢালতে থাকবেন কিনা, কারণ তাঁর রাজ্যে সামান্য বিষয়ের সাথে বিশ্বস্ততা আমাদেরকে আরও অনেক পরিমাণে লাভ করার অবস্থায় রাখে।

বাইবেলে আমরা এমন ব্যক্তিদের লক্ষ্য করেছি যারা ঐশ্বরিক কৃপার ভাল যত্ন নিয়েছিল। উদাহরণস্বরূপ, যোষেফ, যিনি ঐশ্বরিক কৃপা লাভ করার পর, একটি বিদেশে প্রধানমন্ত্রী হয়েছিলেন, প্রভুর প্রতি বিশ্বস্ত ছিলেন, তার দায়িত্ব পূর্ণ করেছিলেন এবং সেই কৃপা তার ভাইদের প্রতিও দেখিয়েছিলেন যারা তার সাথে অন্যায় করেছিল।

দায়ুদ ঐশ্বরিক কৃপার অভিজ্ঞতা লাভ করেছিলেন যা তাকে একটি সরল মেম্বার থেকে ইস্রায়েলের শক্তিশালী রাজায় পরিণত করেছিল। যদিও তিনি তার জীবনে কয়েকটি ভুল করেছিলেন, তবুও তিনি জীবনের শেষ পর্যন্ত প্রভুর প্রতি ভালোবাসা ও ভয়ে চলেছিলেন। তিনি তার চারিপাশের মানুষদের সম্মান করেছিলেন এবং ঈশ্বর যে কৃপা তাকে দিয়েছিলেন, সেটার ভাল যত্ন নিয়েছিলেন।

নহিমিয় আরও একজন অসাধারণ উদাহরণ। যিরূশালেমের প্রাচীর নির্মাণ কাজ সম্পূর্ণ করার পরেও, এবং একজন নেতা (রাজ্যপাল) হিসেবে স্বীকৃতি লাভ করার পরেও তিনি সেই সুযোগ-সুবিধায় জীবন যাপন করতে অস্বীকার করেছিলেন। তার নিজের মুখে এই কথাগুলি বলেছিলেন,

“অধিকন্তু আমি যে সময়ে যিহূদা দেশে তাহাদের অধ্যক্ষপদে নিযুক্ত হইয়াছিলাম, সেই অবধি অর্থাৎ অর্তক্ষন্ত রাজার বিংশতিতম বৎসরাবধি দ্বাত্রিংশ বৎসর পর্যন্ত, দ্বাদশ বৎসর আমি ও আমার ভ্রাতৃগণ দেশাধ্যক্ষের বৃত্তি ভোগ করি নাই। আমার পূর্বে যে সকল দেশাধ্যক্ষ ছিলেন, তাঁহারা লোকদিগকে ভারগ্রস্ত করিতেন, এবং তাহাদের হইতে নগদ চল্লিশ শেকল রৌপ্য ব্যতিরেকে খাদ্য ও দ্রাক্ষারস লইতেন, এমন কি তাঁহাদের চাকরেরাও লোকদের উপরে কর্তৃত্ব করিত; কিন্তু আমি ঈশ্বরভয় প্রযুক্ত তাহা করিতাম না। সেই সময়ে প্রতিদিন এই সকল আহারীয় দ্রব্য প্রস্তুত করা হইত, একটি বলদ ও ছয়টি উত্তম মেঘ; কতকগুলি পক্ষীও আমার জন্য পাক করা যাইত; এবং দশ দিন অন্তর সর্বপ্রকার দ্রাক্ষারস; এই সমস্ত সত্ত্বেও লোকদের দাসত্বের ভার গুরুতর হওয়াতে আমি দেশাধ্যক্ষের বৃত্তি চাহিতাম না” (নহিমিয় 5:14,15,18)।

ইষ্টের রানী ঐশ্বরিক কৃপা লাভ করেছিলেন ও রানী হয়েছিলেন। এবং তিনি ইচ্ছাকৃত ভাবে ঈশ্বরের লোকেদের জন্য তার প্রাণের ও প্রভাবশালী অবস্থার ঝুঁকি নিয়েছিলেন।

এমনই আরও অনেক ব্যক্তির আছেন যারা তাদের জীবনে ঐশ্বরিক কৃপার ভাল তত্ত্বাবধান করেছিলেন।

কিন্তু, আমরা এমন ব্যক্তিদেরকেও দেখতে পাই যারা ঈশ্বরদত্ত কৃপাকে নষ্ট করেছিলেন। রাজা শলোমন—ঈশ্বর কৃপা প্রদান করেছিলেন মহান প্রজ্ঞা, ধন, প্রভাব, ও শান্তি প্রদান করার মধ্যে দিয়ে—কিন্তু এই সবকিছু হারিয়েছিলেন মহিলাদের প্রতি তার আসক্তির কারণে। এটা ইস্রায়েল জাতির উপর আরও একটা গৌরবময় রাজত্বকে নষ্ট করে দিয়েছিল। হিঙ্কিয় রাজা যিহূদার একজন উত্তম রাজা ছিলেন যিনি ধার্মিকতার উদ্দীপনা দেখেছিলেন ও প্রভুর কাছে ফিরে এসেছিলেন। “আর সদা প্রভু তাঁহার সহবর্তী ছিলেন; তিনি যে কোন স্থানে যাইতেন, বুদ্ধিপূর্বক চলিতেন” (2 রাজাবলি 18:7ক)। তিনি এটাও দেখেছিলেন যে ঈশ্বর তাকে এক মহান জয় প্রদান করেছিলেন ও তাকে রক্ষা করেছিলেন। তবুও তিনি তার রাজত্বকালের শেষ পর্যায়ে পৌঁছে একটা গুরুতর ত্রুটি করে ফেললেন। ঈশ্বর যা তার হাতে যত্ন নেওয়ার জন্য দিয়েছিলেন, সেটার রক্ষা তিনি করেননি এবং উদাহরণ হিসেবে পরবর্তী প্রজন্মের কাছে সেটাকে এগিয়ে

দেননি। বরং, তিনি যিহূদাকে বাবিলের রাজার কাছে উন্মুক্ত করে দিয়েছিলেন, যা অবশেষে এই দেশকে বাবিলের হাতে বন্দী হতে বাধ্য করেছিল (2 রাজাবলি 20:12-20)।

এখানে কয়েকটি গুরুত্বপূর্ণ বিষয় দেওয়া হল যা আমাদের করণীয় যদি আমরা ঈশ্বরদত্ত কৃপার সঠিক ভাবে যত্ন নিতে চাই।

ঈশ্বরকে সকল মহিমা দিন

গীতসংহিতা 115:1

হে সদাপ্রভু, আমাদেরকে নয়, আমাদেরকে নয়, কিন্তু তোমারই নাম গৌরবান্বিত কর, তোমার দয়ার অনুরোধে, তোমার সত্যের অনুরোধে।

আমাদের জীবনে ঈশ্বরের কৃপা লাভ করার সাথে, আমরা যেন অবশ্যই আমাদের দৃষ্টিকে তাঁর উপর স্থির করে রাখি এবং তাঁর দয়ার কারণে আমরা যা কিছু লাভ করেছি, সেইগুলির জন্য তাঁকেই সকল প্রশংসা, সম্মান, ও মহিমা দিই।

ঐশ্বরিক কৃপার আশীর্বাদ ভাগ করে নিন

নহিমিয় 8:10

আর তিনি তাহাদিগকে কহিলেন, যাও, পুষ্ট দ্রব্য ভোজন কর, মিষ্ট রস পান কর, এবং যাহার জন্য কিছু প্রস্তুত নাই, তাহাকে অংশ পাঠাইয়া দেও; কারণ অদ্যকার দিন আমাদের প্রভুর উদ্দেশে পবিত্র, তোমরা বিষন্ন হইও না, কেননা সদাপ্রভুতে যে আনন্দ, তাহাই তোমাদের শক্তি।

যখন আমরা আমাদের উপরে ঈশ্বরের কৃপাকে উপভোগ করি, আমরা যেন অবশ্যই সেই কৃপাকে অন্যদের সাথে ভাগ করে নিই। আমাদের চারিপাশে কেউ কেউ হয়ত জীবনের কঠিন সময়ের মধ্যে দিয়ে যাচ্ছে— হয়ত কোনো কষ্টভোগের মধ্যে দিয়ে, কোনো অভাবের মধ্যে দিয়ে, ও কোনো প্রতিকূলতার মধ্যে দিয়ে যাচ্ছে। আমরা যেন আমাদের জীবনের উপর ঈশ্বরের মঙ্গলভাবকে তাদের জীবনেও ঢেলে দিই। ঈশ্বর আমাদের আশীর্বাদ করেন, যাতে আমরা আশীর্বাদ হতে পারি।

ঈশ্বরের কৃপার অপব্যবহার করবেন না

ঈশ্বরের কৃপা শুধুমাত্র আমাদের উপরেই প্রচুর পরিমাণে ঢেলে দেওয়ার জন্য নয়। এবং ঈশ্বর আমাদের হাতে যা কিছু দিয়েছেন, সেটাকে যেন অপব্যবহার না করি। আমাদের উপর ঈশ্বরের কৃপার অর্থ এই নয় যে আমরা অন্যদের থেকে ভাল। আমাদের উপর ঈশ্বরের কৃপার অর্থ এই নয় যে তিনি আমাদেরকে অন্যদের থেকে বেশী ভালোবাসেন।

বৃদ্ধি পেতে থাকুন

যদিও কৃপা লাভের একটা সময়কাল আমরা উপভোগ করে থাকি, এর অর্থ এই নয় যে ঈশ্বরের সাথে আমাদের যাত্রাপথে আমরা সেখানেই আটকে থাকি। ঈশ্বর চান আমরা যেন গৌরব থেকে গৌরব পর্যন্ত যাত্রা করতে থাকি ও তাঁর রূপে রূপান্তরিত হতে থাকি। আমাদের জীবনের প্রতিটি পর্যায় যেন আরও উচ্চ স্থানে ও ঈশ্বরের সাথে আরও গভীর সম্পর্কে আমাদেরকে নিয়ে যায়। এটা যেন আমাদেরকে পবিত্রতার, অনুশাসন, ও ত্যাগস্বীকারের আরও উচ্চ স্তরে নিয়ে যায় তাঁর রাজ্যের জন্য। তিনি যত বেশী আমাকে দান করেন, তত বেশী আমি নিজেকে বেদির সামনে উৎসর্গ করবো।

ঈশ্বর যা দিয়েছেন, সেটার রক্ষা করুন

আমরা যেন কৃপাকে রক্ষা করি। ঈশ্বর যা কিছু আমাদের দিয়েছেন, সেইগুলিকে যেন সঠিক ভাবে রক্ষা করি। আমাদের এক শত্রু আছে যে ঈশ্বরদত্ত উত্তম বিষয়গুলিকে বিনাশের কারণে পরিণত করার চেষ্টা করে থাকে। শত্রু চুরি, বধ, ও বিনাশ করার প্রচেষ্টা করে। রাজা দায়ূদ যখন তার জীবনের সবচেয়ে বড় সাফল্য দেখেছিলেন এবং কিছুক্ষণের জন্য তার চারিপাশ থেকে “সুরক্ষা” নামিয়ে দেওয়ার সিদ্ধান্ত নিয়েছিলেন, তখনই তিনি বংশেবার সাথে পাঁপে পড়েছিলেন। তাই, আমাদের অনবরত সতর্ক থাকতে হবে ও আমাদের জীবনের উপরে কৃপাকে রক্ষা করে যেতে হবে। সাধারণত, কৃপা সকল প্রকারের মানুষদের আমাদের দিকে আকর্ষিত করে। তাদের মধ্যে সবাই সঠিক উদ্দেশ্য নিয়ে আসে না। অনেকে আসবে আমাদের জীবনের উপর কৃপার সাথে তাদের স্বার্থপরতাকে যুক্ত করতে। আপনার জীবনে কৃপা লাভের সময়কালে বিভিন্ন “অংশীদারিত্ব”-গুলি নিয়ে সতর্ক

থাকুন। সবকিছু পরিষ্কার ও বিশুদ্ধ রাখুন। আপস করবেন না এবং সর্বদা জ্যোতিতে চলবেন। সেই সকল লোকেদের থেকে দূরে থাকুন যাদের হৃদয়ের উদ্দেশ্য, জীবনের উদাহরণ, অথবা মান ঈশ্বরের বাক্যের সাথে মিল খায় না।

পরবর্তী প্রজন্মের কাছে এগিয়ে দিন

কৃপা হল একটা উত্তরাধিকার যা আমাদের পরবর্তী প্রজন্মের কাছে এগিয়ে দেওয়া উচিত। যারা আমাদের পরবর্তী সময়ে আসে, যখন আমরা তাদেরকে ঈশ্বরের মঙ্গলভাব সম্পর্কে শিক্ষা দিই, এবং কীভাবে তাঁর মঙ্গলভাবের সঠিক যত্ন নিতে হয় তা জানাই, তখন আমরা তাদেরকে এমন এক স্থানে অবস্থান করতে শেখাই যেখান থেকে তারা সেই কৃপাকে লাভ করতে পারবে ও সেটা নিয়ে সামনের দিকে দৌড়ে যেতে পারবে। আমরা যদি ঐশ্বরিক কৃপা লাভ করি এবং পরবর্তী প্রজন্মকে বোঝাতে ব্যর্থ হই যে ঐশ্বরিক কৃপায় কীভাবে চলতে হয়, তাহলে আমাদের কাছে যা কিছু আছে, তা অবশ্যই ক্ষীণ হয়ে যাবে ও নষ্ট হয়ে যাবে। কিন্তু, পরবর্তী প্রজন্ম যদি প্রশিক্ষিত হয় যে কীভাবে ঈশ্বরের কৃপায় গমনাগমন করতে হয়, তাহলে যা আমাদের দিয়ে শুরু হয়েছিল, তা অনবরত বৃদ্ধি পেতে থাকবে, উপচে পড়তে থাকবে, এবং পরবর্তী প্রজন্মগুলিতেও ঈশ্বরের উদ্দেশ্যগুলি পূর্ণ হতে থাকবে।

আপনি কি সেই ঈশ্বরকে জানেন যিনি আপনাকে প্রেম করেন?

প্রায় 2000 বছর আগে, ঈশ্বর মানব রূপ ধারণ করে এই জগতে এসেছিলেন। তাঁর নাম হল যীশু। তিনি একটা নিষ্পাপ জীবন যাপন করেছিলেন। যেহেতু যীশু মানব রূপে ঈশ্বর ছিলেন, তিনি যা কিছু বলেছেন ও করেছেন, তার দ্বারা ঈশ্বরকে আমাদের কাছে প্রকাশ করেছেন। যে কথাগুলি তিনি বলেছিলেন, সেইগুলি ঈশ্বরের কথা। তিনি যে কাজগুলি সাধন করেছিলেন, সেইগুলি ঈশ্বরের কাজ। এই পৃথিবীতে যীশু অনেক আশ্চর্য কাজ সাধন করেছিলেন। তিনি অসুস্থদের ও পীড়িতদের সুস্থ করেছিলেন। তিনি অন্ধ মানুষদের দৃষ্টিদান করেছিলেন, বধিরদের শ্রবণশক্তি ফিরিয়ে দিয়েছিলেন, খঞ্জদের চলতে সাহায্য করেছিলেন এবং প্রত্যেক ধরনের অসুস্থতা ও ব্যাধি সুস্থ করেছিলেন। আশ্চর্য ভাবে কয়েকটি রুগটিকে বৃদ্ধি করে ক্ষুধার্তদের খাইয়েছিলেন, বাড় খামিয়েছিলেন এবং অনেক আশ্চর্য কাজ করেছিলেন।

এই সকল কিছু আমাদের কাছে প্রকাশ করে যে ঈশ্বর উত্তম, যিনি চান যে লোকেরা যেন সুস্থ হয়, সম্পূর্ণ হয়, স্বাস্থ্যকর হয় এবং খুশী থাকে। ঈশ্বর তার লোকদের প্রয়োজন মেটাতে চান।

তাহলে কেনই বা ঈশ্বর মানব রূপ ধারণ করে আমাদের এই পৃথিবীতে আসার সিদ্ধান্ত নিলেন? যীশু কেন এসেছিলেন?

আমরা সকলে পাপ করেছি এবং সেই সকল কাজ করেছি যা আমাদের সৃষ্টিকর্তা ঈশ্বরের কাছে অগ্রহণীয়। পাপের পরিণাম আছে। পাপ হল ঈশ্বর এবং আমাদের মাঝে একটা দুর্ভেদ প্রাচীর। পাপ আমাদের ঈশ্বর থেকে পৃথক করে রেখেছে। এটা আমাদের সৃষ্টিকর্তাকে জানতে ও তাঁর সাথে এক অর্থপূর্ণ সম্পর্ক স্থাপন করতে বাঁধা দেয়। সুতরাং, আমাদের অনেকেই এই শূন্য স্থানটি অন্যান্য বিষয় দিয়ে পূর্ণ করার চেষ্টা করি।

পাপের আরও একটা পরিণাম হল ঈশ্বরের থেকে অনন্তকালের জন্য পৃথক হয়ে যাওয়া। ঈশ্বরের আদালতে, পাপের বেতন মৃত্যু। মৃত্যু হল নরকে যাওয়ার দ্বারা ঈশ্বরের থেকে অনন্তকালীন পৃথকীকরণ।

কিন্তু, আমাদের জন্য একটা সুসংবাদ আছে যে আমরা পাপ থেকে মুক্তি পেতে পারি এবং ঈশ্বরের সাথে পুনরায় সম্পর্ক স্থাপন করতে পারি। বাইবেল বলে, **“কেননা পাপের বেতন মৃত্যু; কিন্তু ঈশ্বরের অনুগ্রহ-দান আমাদের প্রভু যীশু খ্রীষ্টেতে অনন্ত জীবন” (রোমীয় 6:23)**। যীশু তাঁর ত্রুশীয় মৃত্যু দ্বারা সমস্ত পৃথিবীর পাপের মূল্য পরিশোধ করলেন। তারপর, তিন দিন পর তিনি মৃত্যু থেকে বেঁচে উঠলেন, তিনি নিজেকে জীবিত অবস্থায় অনেক মানুষের কাছে দেখা দিলেন এবং তারপর তিনি স্বর্গে চলে গেলেন।

ঈশ্বর প্রেমের ও দয়ার ঈশ্বর। তিনি চান না যে একটা মানুষও নরকে শাস্তি পাক। আর সেই কারণে, তিনি এসেছিলেন, যাতে তিনি সমুদয় মানবজাতির জন্য পাপ ও পাপের পরিণাম থেকে মুক্তি পাওয়ার একটা পথ প্রদান করতে পারেন। তিনি পাপীদের উদ্ধার

করতে এসেছিলেন—আপনার এবং আমার মতো মানুষদের পাপ থেকে ও অনন্তকালীন মৃত্যু থেকে উদ্ধার করতে এসেছিলেন।

পাপের এই ক্ষমাকে বিনামূল্যে গ্রহণ করতে গেলে, বাইবেল আমাদের বলে যে আমাদের একটা কাজ করতে হবে—প্রভু যীশু খ্রীষ্ট ক্রুশের উপর যা করেছিলেন তা স্বীকার করতে হবে এবং তাঁকেই সমস্ত অন্তঃকরণ দিয়ে বিশ্বাস করতে হবে।

“... যে কেহ তাঁহাতে বিশ্বাস করে, সে তাঁহার নামের গুণে পাপমোচন প্রাপ্ত হয়” (থেরিত 10:43)।

“কারণ তুমি যদি ‘মুখে’ যীশুকে প্রভু বলিয়া স্বীকার কর, এবং ‘হৃদয়ে’ বিশ্বাস কর যে, ঈশ্বর তাহাকে মৃতগণের মধ্য হইতে উত্থাপন করিয়াছেন, তবে পরিদ্রাণ পাইবে” (রোমীয় 10:9)।

আপনি যদি প্রভু যীশু খ্রীষ্টকে বিশ্বাস করেন, তাহলে আপনিও আপনার পাপের ক্ষমা লাভ করতে পারেন ও শুচিকৃত হতে পারেন।

নিম্নলিখিত একটা সহজ প্রার্থনা রয়েছে যা আপনাকে প্রভু যীশু খ্রীষ্টের উপর বিশ্বাস তথা তিনি ক্রুশের উপর যা করেছেন, তা সিদ্ধান্ত নিতে সাহায্য করবে। এই প্রার্থনাটি যীশুর বিষয়ে আপনার অঙ্গীকারকে ব্যক্ত করতে ও পাপের ক্ষমা ও শুচিকরণ লাভ করতে সাহায্য করবে। এই প্রার্থনাটি একটা নির্দেশরেখা মাত্র। এই প্রার্থনাটি আপনি আপনার নিজের ভাষাতেও করতে পারেন।

প্রিয় প্রভু যীশু, আজ আমি বুঝতে পেরেছি যে তুমি আমার জন্য ক্রুশের উপর কী সাধন করেছো। তুমি আমার জন্য মারা গেছ, তুমি তোমার বহুমূল্য রক্ত সেচন করেছ এবং আমার পাপের মূল্য দিয়েছ, যাতে আমি ক্ষমা লাভ করতে পারি। বাইবেল আমাকে বলে যে কেউ তোমার উপর বিশ্বাস করবে, সে তার পাপের ক্ষমা লাভ করবে।

আজ, আমি তোমাকে বিশ্বাস করার এবং তুমি আমার জন্য যা করেছো, তা গ্রহণ করার একটা সিদ্ধান্ত নিই, এবং বিশ্বাস করি যে তুমি আমার জন্য ক্রুশে মারা গিয়েছ এবং মৃত্যু থেকে পুনরুত্থিত হয়েছ। আমি বিশ্বাস করি যে আমি আমার উত্তম কাজ দ্বারা নিজেকে উদ্ধার করতে পারব না, না অন্য কোন মানুষও আমাকে উদ্ধার করতে পারবে। আমি আমার পাপের ক্ষমা অর্জন করতে পারি না।

আজ, আমি আমার হৃদয়ে বিশ্বাস করি এবং আমার মুখে স্বীকার করি যে তুমি আমার জন্য মারা গিয়েছ, তুমি আমার পাপের মূল্য দিয়েছ, তুমি মৃতদের মধ্যে থেকে উত্থিত হয়েছ, এবং তোমার উপর বিশ্বাস করার মধ্যে দিয়ে, আমি আমার পাপের ক্ষমা ও শুচিকরণ লাভ করি।

যীশু তোমাকে ধন্যবাদ। আমাকে সাহায্য কর যেন আমি তোমাকে প্রেম করতে পারি, তোমাকে আরও জানতে পারি এবং তোমার প্রতি বিশ্বস্ত থাকতে পারি। আমেন।

অল পিপালস্ চার্চের সম্বন্ধে কিছু কথা

অল পিপালস্ চার্চ (APC) তে, আমাদের দর্শন হল বেঙ্গালুরু শহরে একটা লবণ ও জ্যোতির মতো হওয়া এবং সমগ্র ভারতবর্ষে ও পৃথিবীর অন্যান্য দেশে একটা রব হওয়া।

অল পিপালস্ চার্চ হল **যীশুকে প্রেম করা, ঈশ্বরের বাক্য কেন্দ্রিক, পবিত্র আত্মায় পূর্ণ**, পরিবার মণ্ডলী, একটি প্রস্তুতির কেন্দ্র, এক মিশন ভিত্তিক ও বিশ্বব্যাপী প্রসারিত মণ্ডলী।

- একটি **পরিবার মণ্ডলী** হিসেবে, আমরা খ্রীষ্ট-কেন্দ্রিক সহভাগীতায় একটি সম্প্রদায় হিসেবে বেড়ে উঠি, ঈশ্বরের দেহ হিসেবে পরস্পরের যত্ন নিয়ে থাকি ও প্রেম করি।
- একটি **প্রস্তুতি কেন্দ্র** হিসেবে, আমরা প্রত্যেক বিশ্বাসীকে শক্তিয়ুক্ত করি ও প্রস্তুত করি একটি বিজয়ী জীবনযাপন করার জন্য, খ্রীষ্টের প্রতিমূর্তি অনুযায়ী পরিপক্ব হওয়ার জন্য এবং তাদের জীবনে ঈশ্বরের উদ্দেশ্যকে পূর্ণ করার জন্য।
- এক **মিশন ভিত্তিক** হিসেবে, এই শহরটিকে, আমাদের দেশকে আশীর্বাদ করার জন্য ও ঈশ্বরের বাক্যের মধ্যে দিয়ে অন্যান্য দেশে যীশু খ্রীষ্টের সম্পূর্ণ সুসমাচার নিয়ে যাওয়ার জন্য ও পবিত্র আত্মার শক্তির অলৌকিক প্রদর্শন করার জন্য অর্থপূর্ণ পরিচর্যাতে নিজেদের নিযুক্ত করি।
- এক **বিশ্বব্যাপী প্রসারিত মণ্ডলী** হিসেবে, আমরা স্থানীয়ভাবে ও বিশ্বব্যাপীভাবে ঈশ্বরভক্ত নেতৃত্বদ ও আত্মায় পূর্ণ মণ্ডলীগুলিকে লালন-পালন করার দ্বারা সেবা করে থাকি, যারা ঈশ্বরের রাজ্যের জন্য তাদের অঞ্চলগুলিতে প্রভাব বিস্তার করতে পারে।

অল পিপালস্ চার্চে, ঈশ্বরের আত্মার অভিষেক ও প্রদর্শনে ঈশ্বরের সম্পূর্ণ ও আপসহীন বাক্যকে উপস্থাপন করার জন্য অঙ্গীকারবদ্ধ। আমরা বিশ্বাস করি যে ভালো সঙ্গীত, সৃজনশীল উপস্থাপনা, অসাধারণ অ্যাপলজেটিক্স, সমকালীন পরিচর্যার পদ্ধতি, আধুনিক প্রযুক্তি, ইত্যাদি কখনই ঈশ্বরের পবিত্র আত্মার শক্তিতে, চিহ্নকাজ, আশ্চর্যকাজ, পবিত্র আত্মার বরদান সহকারে, ঈশ্বরের বাক্য ঘোষণা করার ঈশ্বর দ্বারা নির্ধারিত পদ্ধতির বিকল্প হতে পারে না (। করিন্থীয় 2:4,5; ইব্রীয় 2:3,4)। আমাদের মূল বিষয় হলেন যীশু, আমাদের বিষয়বস্তু হল ঈশ্বরের বাক্য, আমাদের পদ্ধতি হল পবিত্র আত্মার শক্তি, আমাদের আবেগ হল মানুষ, এবং আমাদের লক্ষ্য হল খ্রীষ্টের মত পরিপক্বতা।

বেঙ্গালুরুতে আমাদের প্রধান কার্যালয় থাকা সত্ত্বেও, ভারতবর্ষের বিভিন্ন স্থানে অল পিপালস্ চার্চ -এর অনেক মণ্ডলী রয়েছে। অল পিপালস্ চার্চ -এর মণ্ডলীর তালিকা এবং যোগাযোগ নম্বর পেতে গেলে, আমাদের ওয়েবসাইটে apcwo.org/locations দেখুন, অথবা contact@apcwo.org এ ই-মেইল পাঠান।

বিনামূল্যে যে পুস্তকগুলি উপলব্ধ আছে

A Church in Revival
A Real Place Called Heaven
A Time for Every Purpose
Ancient Landmarks
Baptism in the Holy Spirit
Being Spiritually Minded and Earthly
Wise
Biblical Attitude Towards Work
Breaking Personal and Generational
Bondages
Change
Code of Honor
Divine Favor
Divine Order in the Citywide Church
Don't Compromise Your Calling
Don't Lose Hope
Equipping the Saints
Foundations (Track 1)
Fulfilling God's Purpose for Your Life
Giving Birth to the Purposes of God
God Is a Good God
God's Word—The Miracle Seed
How to Help Your Pastor
Integrity
Kingdom Builders
Laying the Axe to the Root
Living Life Without Strife
Marriage and Family
Ministering Healing and Deliverance

Offenses—Don't Take Them
Open Heavens
Our Redemption
Receiving God's Guidance
Revivals, Visitations and Moves of God
Shhh! No Gossip!
The Conquest of the Mind
The Father's Love
The House of God
The Kingdom of God
The Mighty Name of Jesus
The Night Seasons of Life
The Power of Commitment
The Presence of God
The Redemptive Heart of God
The Refiner's Fire
The Spirit of Wisdom, Revelation and
Power
The Wonderful Benefits of speaking in
Tongues
Timeless Principles for the Workplace
Understanding the Prophetic
Water Baptism
We Are Different
Who We Are in Christ
Women in the Workplace
Work Its Original Design

নিয়মিত নতুন পুস্তক প্রকাশিত হয়ে থাকে। উপরের পুস্তকগুলির PDF সংস্করণ, অডিও, এবং অন্যান্য মাধ্যমে বিনামূল্যে চার্চের ওয়েবসাইট থেকে ডাউনলোড করতে পারবেন: apcwo.org/books এই পুস্তকগুলির মধ্যে অনেকগুলি অন্যান্য ভাষাতেও উপলব্ধ রয়েছে। এ ছাড়াও, বিনামূল্যে অডিও ও ভিডিও-তে প্রচার শোনার জন্য, প্রচারের টীকা, এবং আরও অন্যান্য নিঃস্বল্প উপাদান লাভ করার জন্য আমাদের ওয়েবসাইট দেখুন: apcwo.org/sermons

ক্রিসালিস কাউন্সেলিং

ক্রিসালিস কাউন্সেলিং ব্যক্তিগত পরামর্শ প্রদান করে থাকে মানুষকে জীবনের প্রতিকূলতাগুলিকে সম্মুখীন ও অতিক্রম করতে সাহায্য করার জন্য। ক্রিসালিস কাউন্সেলিং হল পেশাগত ভাবে প্রশিক্ষিত ও অভিজ্ঞ খ্রীষ্টিয় পরামর্শদাতাদের একটি দল।

আমাদের এই পরিষেবা সকল বয়সের মানুষদের জন্য উপলব্ধ রয়েছে এবং জীবনের বিভিন্ন প্রকারের প্রতিকূলতার সাথে মোকাবিলা করে থাকে।

কেশোর

ব্যক্তিগত মীমাংসা

সম্পর্ক সম্বন্ধীয় সমস্যা

পড়াশোনায় বিফলতা

কর্মক্ষেত্রে সমস্যা

পরিবার/দম্পতি: প্রাক-বিবাহ, বিবাহ

পিতা-মাতা/সন্তান/ভাই-বোন/সমকক্ষ

আচরণগত ব্যাধি

পার্সোনালিটি ডিসঅর্ডার

মনস্তাত্ত্বিক/আবেগজনিত সমস্যা

মানসিক চাপ/মানসিক আঘাত

মদ/মাদক আসক্তি

আধ্যাত্মিক সমস্যা

লাইফ কোচিং

ক্রিসালিস কাউন্সেলিং -এর পরিষেবা ফি সাশ্রয়ী ও সহজে উপলব্ধ।

আমাদের কোন একজন প্রশিক্ষিত পরামর্শদাতার সাথে অ্যাপয়েন্টমেন্ট -এর সময় স্থির করার জন্য:

ওয়েবসাইট: chrysalislife.org

ফোন: +91-80-25452617 অথবা টোল ফ্রি (শুধুমাত্র ভারতে) 1-800-300-00998

ই-মেইল: counselor@chrysalislife.org

ক্রিসালিস কাউন্সেলিং অল পিপালস্ চার্চ অ্যান্ড ওয়ার্ল্ড আউটরিচ-এর একটি পরিচর্যা।

অল পিপালস্ চার্চের সাথে অংশীদারিত্ব করুন

অল পিপালস্ চার্চ একটি স্থানীয় মণ্ডলী হিসেবে নিজ সীমার উর্ধ্বে গিয়ে সমগ্র ভারতবর্ষ জুড়ে পরিচর্যা করে থাকে, বিশেষ করে উত্তর ভারতে, যেখানে আমরা বিশেষ ভাবে লক্ষ্য কেন্দ্র করি (ক) নেতাদের শক্তিয়ুক্ত করা, (খ) পরিচর্যার জন্য যুবক-যুবতীদের তৈরি করা এবং (গ) খ্রীষ্টের দেহকে গঁথে তোলা। যুবক-যুবতীদের জন্য বিভিন্ন প্রশিক্ষণ সেমিনার, এবং খ্রীষ্টীয় নেতাদের জন্য অধিবেশন সমস্ত বছর জুড়ে আয়োজন করা হয়ে থাকে। এ ছাড়াও, বিশ্বাসীদের বাক্যে ও আত্মায় তৈরি করার উদ্দেশ্য নিয়ে ইংরাজিতে ও অন্যান্য ভারতীয় ভাষায় কয়েক হাজার পুস্তক বিনামূল্যে বিতরণ করা হয়ে থাকে।

আমরা আপনাকে এককালীন দান প্রদান অথবা মাসিকভাবে আর্থিক দান পাঠানোর দ্বারা আর্থিকভাবে অংশীদারিত্ব করার জন্য আহ্বান জানাই। আমাদের দেশব্যাপী এই কাজের জন্য সাহায্যার্থে আপনার পাঠানো যে কোন পরিমাণ অর্থ বিশেষভাবে সমাদৃত হবে।

আপনারা আপনারদের দান চেক/ব্যাংক ড্রাফটের দ্বারা “All Peoples Church” এই নামে আমাদের কার্যালয়ের ঠিকানায় পাঠাতে পারেন। নতুবা, আপনি সরাসরি ব্যাংক ট্রান্সফারের মাধ্যমে দান করতে পারেন। আমাদের ব্যাংক একাউন্ট নিচে দেওয়া হল:

একাউন্টের নাম: All Peoples Church

একাউন্ট নম্বর: 50200068829058

IFSC কোড: HDFC0004367

ব্যাংকের নাম: HDFC Bank, 7M/308 80Ft Rd, HRBR Layout, Kalyan Nagar, Bengaluru, 560043, Karnataka, India

অনুগ্রহ করে লক্ষ্য রাখবেন: অল পিপালস্ চার্চ শুধুমাত্র কোনো ভারতীয় ব্যাংক থেকেই অর্থ গ্রহণ করতে পারে। যখন আপনি দান করছেন, যদি চান, তাহলে আপনি উল্লেখ করতে পারেন যে আমাদের পরিচর্যার কোন নির্দিষ্ট ক্ষেত্রের জন্য আপনি দান করছেন। অতিরিক্ত তথ্যের জন্য এই ওয়েবসাইট দেখুন: apcwo.org/give


এ ছাড়াও, আমাদের জন্য ও আমাদের পরিচর্যার জন্য যখনই সম্ভব, প্রার্থনায় স্মরণে রাখবেন।

ধন্যবাদ ও ঈশ্বর আপনাকে আশীর্বাদ করুন!

DOWNLOAD THE FREE APP!



**Search for
"All Peoples Church Bangalore"
in the App or Google play stores.**



A daily 5-minute video devotional.

A daily Bible reading and prayer guide.

5-minute Sermon summary.

Toolkit with Scriptures on various topics to build faith and information to share the Gospel.

Resources with sermons, sermon notes, TV programs, books, music and more

IF YOU LOVE IT, TELL OTHERS ABOUT IT!



অল পিপালস্ চার্চ বাইবেল কলেজ

apcbiblecollege.org

অল পিপালস্ চার্চ বাইবেল কলেজ এবং পরিচর্যা প্রশিক্ষণ কেন্দ্র (APC-BC), যা বেঙ্গালুরুতে অবস্থিত, আত্মায় পরিপূর্ণ, অভিষিক্ত এবং পবিত্র আত্মার শক্তিতে অলৌকিক ভাবে পরিচর্যা করার ক্ষমতা প্রদান করার মধ্যে দিয়ে প্রশিক্ষণ দেয়, এবং তার সাথে নিরাময় ঈশ্বরের বাক্য শেখানো হয়। আমরা পরিচর্যার জন্য একটা ব্যক্তিকে সম্পূর্ণ ভাবে গঠন করতে বিশ্বাস করি, যেখানে আমরা একটি ঐশ্বরিক চরিত্রে, ঈশ্বরের বাক্যে গভীরে প্রবেশ করা, এবং আশ্চর্য কাজ ও চিহ্ন কাজ দ্বারা পরিচর্যা করায় জোর দিই, যা ভ্রুর সাথে একটা ঘনিষ্ঠ সম্পর্ক থেকে উত্থাপিত হয়।

অল পিপালস্ চার্চ বাইবেল কলেজে, নিরাময় বাক্য শেখানোর সাথে সাথে আমরা ঈশ্বরের প্রেমকে আমাদের কাজকর্মের মধ্যে দিয়ে প্রকাশিত করার উপর, পবিত্র আত্মার অভিষেক ও উপস্থিতি এবং ঈশ্বরের কাজের অলৌকিক কাজের উপর গুরুত্ব দিই। অনেক যুবক যুবতীরা প্রশিক্ষিত হয়ে ঈশ্বরের আহ্বান পূর্ণ করার জন্য প্রেরিত হয়েছে।

নিম্নলিখিত তিনটি কার্যক্রম আমরা প্রদান করি:

- এক বছরের সার্টিফিকেট ইন থিওলজি অ্যান্ড খ্রিস্টিয়ান মিনিস্ট্রি (C.Th.)
- দুই বছরের ডিপ্লোমা ইন থিওলজি অ্যান্ড খ্রিস্টিয়ান মিনিস্ট্রি (Dip.Th.)
- তিন বছরের ব্যাচেলর ইন থিওলজি অ্যান্ড খ্রিস্টিয়ান মিনিস্ট্রি (B.Th.)

সপ্তাহের পাঁচ দিন ক্লাস নেওয়া হয়, **সোমবার থেকে শুক্রবার, সকাল 9 টা থেকে দুপুর 12 টা (UTC +5:30) পর্যন্ত**। শিক্ষা গ্রহণ করার তিনটি বিকল্প আমরা প্রদান করে থাকি।

- **চার্চ ক্যাম্পাসে:** ক্যাম্পাসের মধ্যে শারীরিক ভাবে মিলিত হয়ে ক্লাস করা।
- **অনলাইন:** অনলাইনে লাইভ লেকচারগুলিতে অংশগ্রহণ করতে পারেন।
- **ই-লার্নিং:** অনলাইন পোর্টালের মাধ্যমে নিজের সুবিধামত গতিতে শিক্ষা গ্রহণ করা। apcbiblecollege.org/elearn

অনলাইনে আবেদন করার জন্য, এবং কলেজ, পাঠ্যক্রম, অংশগ্রহণ করার জন্য যোগ্যতা, খরচ সম্বন্ধে আরও তথ্য জানার জন্য এবং আবেদন ফর্ম ডাউনলোড করার জন্য, অনুগ্রহ করে apcbiblecollege.org ওয়েবসাইট দেখুন।

ঈশ্বর প্রত্যেক মানুষকে সমান ভাবে ভালোবাসেন, এবং তিনি কোন মুখাপেক্ষা করেন না। তবুও, মানবজাতির ক্ষেত্রে, আমরা লক্ষ্য করেছি কিছু কিছু ব্যক্তি অথবা দলের উপর, এবং তাদের জীবনের কিছু নির্দিষ্ট ঋতু অথবা মুহূর্তে, ঈশ্বর ঐশ্বরিক কৃপা প্রদান করেন।

ঐশ্বরিক কৃপা হল একটি ঈশ্বরের দান যা কোন একজন ব্যক্তির উপর প্রদান করার সময়ে সেই ব্যক্তিকে প্রভাব বিস্তার করতে, কিছু ব্যক্তি, স্থান ও বস্তুর প্রতি প্রবেশাধিকার পেতে, অস্বাভাবিক সুযোগ পেতে, উন্নত হতে ও ঐশ্বরিক হস্তক্ষেপ লাভ করতে সক্ষম করে তোলে। সকলকে এই বিষয়ের প্রতি চোখ খুলে দিতে চাইছি যাতে আমরাও ঈশ্বরের কাছ থেকে ঐশ্বরিক কৃপা লাভ করার আশা করতে পারি।

All Peoples Church & World Outreach

#319, 2nd Floor, 7th Main, HRBR Layout,
2nd Block, Kalyan Nagar, Bangalore 560043
Karnataka, INDIA

Phone: +91-80-25452617
Email: contact@apcwo.org
Website: apcwo.org

